

Well helpt mit?

Stratenfesche an de 13. Juli um Olde Toorn

Borkum/jan - An de 13. Juli 2008 is weer dat grote Stratenfesche van de Heimatverein rund um de Olde Toorn. Badegasten un Borkumers willn dej moje Sönnndag mit Tauloop van Jung un Old neit missen. Dusend Dank geiht an alle Klöttjes, dej elket Jahr weer de heile Dag för anner Lü parat stahn un hör Geld, wat over is, de Heimatverein taukomen laten. Mit de grote Stön van alle Mithelpers is de Olde Toorn vandage weer skier un moij tau bekieken, dat Toornhuske kann sück wall seihn laten un dat Museum „Dykhuis“ is best up Stee. Wiet over 25 Jahr d'r bi wassen de Drachden- un Danzklöttje „De Eilanders“. Hör allemachdeg moje Teeköken was ein heerleke Stee tau verpusten, um hier ein krass Koppke Tee tau geneiten. Nu sall hör Wark in jungere Hannen overgahn un de Heimatverein seggt alle „Eilanders“ van Harten Dank för all hör Möite. Büllten ander Klöttje hebben weer tauseggt: Wi komen as alltied un präsentiern dat Leckerste un Beste för alle Beseukers. Uk Spölen för Lüttjen un Groten sall d'r wesen un büllten Musik. Alle Vereinen un Koppels, Helpers un Mitmakers bin neugt an Dünnerdag, de 8. Mai 2008 um 19,30 Ühr in't Toornhuske, Karkstrate 2 tau komen, um tau beproten, wat d'r all geböhren sall bi dat moje Stratenfesche rund um de Olde Toorn.